

UUNGA MISSINGIUT

Qallunaatut innuttaassuseqarneq pillugu inatsisip allanngortinneqarnera pillugu inatsisit assigiinngitsut Kalaallit Nunaannut atuutilersinneqarnissaat pillugit peqqussut

Qallunaatut innuttaassuseqarneq pillugu inatsisip allanngortinneqarnera pillugu inatsimmi nr. 1735-imi, 27. december 2018-imeersumi § 4¹ aamma nunani allamiunut inersimasunut qallunaatut ilinniarnissaq il.il. pillugit inatsimmi (inatsit tunngaviusoq pillugu nalliuttorsiorpalaartumik katerisimaarnerit kommunalbestyrelsinut nuunneqarnerat, nunami allami inunngorsimanerup kingorna qallunaatut innuttaassuseqalernissamut qinnuteqaateqarnermi akiliutip qaffanneqarnera aamma qallunaatut ilinniartinneqarnermi nunami allamiut najuutinngittarnerat pillugu malittarisassat erseqqinnerusut aalajangersarneqarnerat il.il.), nunani allamiut pillugit inatsisip aamma qallunaatut innuttaassuseqarneq pillugu inatsisip allanngortinneqarneri pillugit inatsimmi nr. 173-imi, 27. februar 2019-imeersumi § 5² (nunami allamiut ukiukitsut inissinneqartarneri pillugit malittarisassat allanngortinneqarneri, nammineersinnaajunnaarsitaaneq pillugu suliani naammagittaalliorsinnaanerup aaqqinneqarnera, aallartitsinermi nunani allamiut politiniit misissorneqartarnerat pillugu malittarisassat erseqqissarneqarnerat, Statsforvaltningip atorunnaarsinneqarnerata malittarisaanik piginnaatitsinerit allanngortinneqarneri il.il.), qallunaatut innuttaassuseqarneq pillugu inatsisip aamma nunani allamiut pillugit inatsisip allanngortinneqarneri pillugit inatsimmi nr. 1057-imi, 24. oktober 2019-imeersumi § 4³ (Nunami angerlarsimaffiginngisaminni sorsuttartut naalagaaffimmi innuttaassusaannik arsaarinninneq il.il.), qallunaatut innuttaassuseqarneq pillugu inatsisip aamma nunani allani sullissiviit pillugit inatsisip allanngortinneqarneri pillugit inatsimmi nr. 63-imi, 28. januar 2020-imeersumi § 4⁴ (sumiiffinni nunamut isernissamut- aamma najugaqarnissamut inerteqquteqarfiusuni qitornat naalagaaffimmi innuttaassusermik pissarsisinnaanerup, atassuteqaatini inummup pingaannginnersumut ilungersunartumik pinerluuteqarsimannginnissamik imaluunniit iliuutsinik pinerluttuliornerusunik iliuuseqarsimannginnissamik piunarsaqatit, qallunaatut innuttaassuseqarnerup annaaneqarnera aamma nunani allani sullissivinnit ikiorneqarnissap killilerneqarnera il.il.), nunani allamiut pillugit inatsisip, nunasisunik inuiaqatigiinnut akulerutsitsineq pillugu inatsisip aamma inatsisit allat allanngortinneqarneri pillugit inatsimmi nr. 821-imi, 9. juni 2020-imeersumi § 12⁵ (Malittarisassat piunarsarneqarneri, matumani Udlændingenævniut naammagittaalliorsinnaaneq aamma isernissap inerteqqutigineqarnera, akiliutit utertillugit akilerneqarnissaannut annikitsuarakasiit pillugit killiliussap eqqunneqarnera, aallarnissamut piffissaliussap sivitsorneqarnissaanut piginaatitaaneq aamma piginnaatitaanerup allanngortinneqarnerata erseqqissarneqarnera, ilaatigut utertitsisarneq aamma nunamut tassunga isernissap inerteqqutigineqarnerani, peqqussummi ilaatinneqartuni, pingaarutillit erseqqissaavigineqarnerat pillugit anisitsisarnermi Danmarkip Schengenimi malittarisassanik atuinerata nalilersuffigineqarnerata malitseqartinneqarnera il.il.), nunani allamiut pillugit inatsisip, qallunaatut innuttaassuseqarneq pillugu inatsisip aamma angerlamut angalatitsineq pillugu inatsisip allanngortinneqarneri pillugit inatsimmi nr. 1192-imi, 8.

juni 2021-imeersumi § 7⁶ (Visummit pillugit suliasaqarfimmi nalinginnaasumik naammagittaalliorsinnaanerup eqqunneqarnera, visummit pillugit suliat ilaanni sunulluunniit pisinnaatitaaffeqalernissamut piffissap ingerlaqqaarnissaanik piumasaqaatit, diplomatinut sivisuumik visumminik atulersitsinissamut periarfissaliissutip pissarsiarineqarnera il.il., sulinissamut malittarisassat assigiinngitsut aaqinneqarneri, namminerisamik illusimmaviit aamma qimaasutut isernissamik qinnuteqartunut ininik nammineq akilersukkanik illusimmaviit, nunani allamiunut ukiukitsunut katissimasunut imaluunniit aappariinnut immikkut illusimmaveqartitsinissap aallartinneqarnissanut periarfissaliissutip erseqqissarneqarnera, ukiukitsut ilaqartinneqanngitsut inissinneqarnissat pillugit aalajangiinerit naammassineqarnerat aamma siusinnerusukkut qallunaatut naalagaaffimmi innuttaassusilinnut nalunaaruteqarnikkut naalagaaffimmi innuttaassuseqaqqilersinnaanerup eqquteqqinneqarnera il.il.), qallunaatut innuttaassuseqarneq pillugu inatsisip allanngortinneqarnera pillugu inatsimmi nr. 2056-imi, 16. november 2021-imeersumi § 3⁷ (sydslesvigermiut qallunaatut misigisimasut meeraasa atassuteqaatini inuttut pingaanninnerusutut qallunaatut naalagaaffimmi innuttaassuseqalersinnaanerisa ammaanneqarnera), qallunaatut innuttaassuseqarneq pillugu inatsisip allanngortinneqarnera aamma innuttaassuseqalernissamut misilitsinneq pillugu inatsisip 2015-imeersup atorunnaarsinneqarnera pillugu inatsimmi nr. 2057-imi, 16. november 2021-imeersumi § 4⁸ (Nunani avannarlerni naalagaaffimmi innuttaasunut 18-it 23-illu akornanni ukioqartunut nunami allami inunngorsimanerup kingorna qallunaatut innuttaassuseqalersimasunut nalunaaruteqarnikkut innuttaassuseqalersinnaanerup atorunnaarsinneqarnera, innuttaassuseqalernissamut misilitsinnermi qallunaat naleqartitaat pillugit apeqqutit, inatsisip tunngaviusup nalliuttorsiorpalaartumik katerisimaarutigineqarnerani assaminnissaq pillugu malittarisassanik erseqqinnerusunik aalajangersaasinnaanermut piginnaatinneqarneq aamma akiliutip, nunami allami inunngorsimanerup kingorna qallunaatut innuttaassuseqalernissamut qinnuteqaateqarnermi akilerneqartussap qaffanneqarnera), qallunaatut innuttaassuseqarneq pillugu inatsisip allanngortinneqarnera pillugu inatsimmi nr. 453-imi, 20. april 2022-imeersumi § 3⁹ aamma qallunaatut innuttaassuseqarneq pillugu inatsisip allanngortinneqarnera pillugu inatsimmi nr. 487-imi, 13. maj 2023-imeersumi § 3¹⁰ (naalagaaffimmi innuttaassuseqarneq pillugu isumaqatigiisummi aalajangersakkap atortuulersinneqarnera) malillugit aalajangersarneqarpoq:

§ 1

Qallunaatut innuttaassuseqarneq pillugu inatsimmi, nr. 2307-imi, 8. december 2020-imeersumi allanngortitsinerit tulliuttut suliarineqassapput:

1. § 1, imm. 1-imi, »qallunaajuppat« kingorna ilanngunneqassaaq », taamaattoq imm. 2 aamma 4 takukkit«.

2. § 1-imi imm. 1-p kingorna immikkoortutut nutaatut ilanngunneqassaaq:

»Imm. 2. Pillaasarnermik inatsimmi § 114 j, imm. 3-tut Danmarkimut atuuttumut sumiiffimmi ilaasumi qitornaq inuusimasoq, tassuuna qitornaq naalagaaffimmi sumiluunniit innuttaassuseerutissanngippat, angajoqqaq taanna akuersissummik peqarani, aamma qallunaat, nunanit allamiut imaluunniit nunat tamat akornanni pisortat sullissinerannik imaluunniit suliaqartitsinerannik atasumik sulinngippat, qitornaq qallunaatut innuttaassuseqarnermik pissarsissanngilaq.«

Tamatuma kingorna imm. 2 imm. 3-nngussaaq.

3. § 1, imm. 2-mi, imm. 3-nngortumi, »qallunaatut innuttaassuseqartutut« kingorna ilanngunneqassaaq: »taamaattoq imm. 4 takuuk«.

4. § 1-imi imm. 4-tut ilanngunneqassaaq:

»Imm. 4. Imm. 1 imaluunniit 3, § 2 imaluunniit 2 A, imm. 1 imaluunniit 3 malillugit qitornap qallunaatut innuttaassuseqarnermik pissarsineranut pissutsit tunngaviusut, piujunnaarsimasut paasineqarpat, tassuuna qitornaq naalagaaffimmi sumiluunniit innuttaassuseerutissanngippat, imaluunniit pineqartup 18-inik ukioqalernerata kingorna paasinninneq pippat, qitornaq qaqugukkulluunniit qallunaatut innuttaassusermik pissarsisimasutut isigineqassanngilaq.«

5. § 2-mi oqaaseqatigiinni siullerni, »allamiup« kingorna ilanngunneqassaaq: », ulloq 1. juli 2014 sioqqullugu inuusimasoq,«.

6. § 3, imm. 1-imi, »imaluunniit imm. 3« peerneqassaaq.

7. § 3, imm. 1-imi, aamma § 4, imm. 1-imi aamma 2-mi, »statsforvaltning« ima allanngortinneqassaaq: »Udlændinge- aamma Integrationsministereqarfik«.

8. § 3, imm. 2, 4 aamma 5, atorunnaarsinneqassapput, aamma imm. 3-mi, imm. 2-nngortumi, »aammattaaq« peerneqassaaq.

9. § 5-imi imm. 2-tut ilanngunneqassaaq:

»Imm. 2. Nalunaaruteqartumut ilungersunartumik pinerluuteqarsimannginnissamik imaluunniit iliuutsinik pinerluttuliornerusunik iliuuseqarsimannginnissamik piumasagaatit piumasagaatigineqartut assinginik qitornap naamassinnissimanissaa aammattaaq qitornap qallunaatut innuttaassusermik pissarsinissaanut piumasagaataavoq.«

10. § 5-p kingorna ilanngunneqassaaq:

»§ 5 A. Siusinnerusukkut qallunaaq naalagaaffimmi innuttaassuseqarsimasoq, inatsimmik allanngorneri ilanngullugit nalunaarutiginninneq nr. 422, 7. juni 2004-meersoq malillugu qallunaatut innuttaassuseqarneq pillugu inatsimmi § 7 siusinnerusukkut atuuttoq malillugu qallunaatut innuttaassuseqarnerminik annaasaqarsimasoq, aamma imm. 2-mi aamma 3-mi piumasagaatinik

naammassinnittoq, 1. juli 2026 nallertinnagu tamanna pillugu Udlændinge- aamma Integrationsministereqarfimmut nalunaaruteqarnermigut qallunaatut innuttaassuseqarnermik pissarsissaaq.

Imm. 2. Imm. 1 malillugu nalunaarut, siusinnerusukkut qallunaatut naalagaaffimmi innuttaassuseqartunit, piffissami qallunaatut innuttaassuseqarnerup annaaneqarnerata aamma nalunaarutip tunniunneqarnerata akornanni piumasaqaatitaqanngitsumik nammineersinnaajunnaarsitaanermik eqqartuunneqarsimanngitsumit, tunniunneqarsinnaavoq, taamaattoq imm. 3 takuuk.

Imm. 3. Siusinnerusukkut qallunaatut naalagaaffimmi innuttaassuseqartunut 22-it sinnerlugit ukiulinnut, nunami allami inuusimasunut, pisuni, taakkunani ukiunik 22-inik ukioqalinnginnermi § 8 malillugu aalajangiinermik aalajangiisoqarsimalluni, pineqartut 22-inik ukioqalinnginneranni naalagaaffimmi maani najugaqarsimanissaat imaluunniit naalagaaffimmi maani katillugit minnerpaamik ukiumik 1-mik sivilutigisumik najugaqarsimanissaat aammattaaq piumasaqaataavoq.

Imm. 4. Imm. 1 malillugu siusinnerusukkut qallunaatut naalagaaffimmi innuttaassuseqartoq nalunaaruteqarnermigut innuttaassuseqarnermik pissarsippat, innuttaassuseqarnermi aamma pineqartup qitornaata innuttaassuseqarneq pisassaraa, qitornarisaq innuttaassutsimik pissarsinnermi ilaatinneqassanngitsoq erseqqissumik taaneqarsimanngippat, matumani qitornavissiaq ilanngullugu. Qallunaatut innuttaassuseqarnermik qitornap pissarsinissaanut, nalunaaruteqartup qitornamut angajoqqaatut oqartussaassusermik peqataanissaa, aamma qitornap katissimannginnissaa aamma 18-it inorlugit ukioqarnissaa piumasaqaataavoq. Qitornaq angajoqqaanik angajoqqaatut oqarsussaassusermik ataatsimoorussisunik angajoqqaarpat, angajoqqaatut oqartussaassusillip aappaa, qitornap nalunaaruteqartoq peqatigalugu innuttaassusermik pissarsinissaa pillugu akuersissummik nalunaaruteqassaaq. Qitornavissiaartaarnerup qallunaat inatsiseqartitsinerat malillugu atuuttuunissaa, qitornavissiamut aammattaaq piumasaqaataavoq. Qitornap qallunaatut innuttaassusermik pissarsinissaanut, qitornap ilungersunartumik pinerluuteqarsimannginnissamik imaluunniit iliuutsinik pinerluttuliornerusunik iliuuseqarsimannginnissamik piumasaqaatit, nalunaaruteqartumut piumasaqaatigineqartut assingi, eqqortissagai, aammattaaq piumasaqaataavoq.«

11. § 6, *imm. 2-imi*, »§ 5«-p kingorna ilanngunneqassaaq: », imm. 1,«.

12. § 6, *imm. 2-mi*, *oqaaseqatigiit aappaattut aamma oqaaseqatigiit pingajuattut ilanngunneqassapput:*

»Nunami allami inunngorsimanerup kingorna qallunaatut innuttaassuseqalersimasup qitornaa, matumani qitornavissiaa ilanngullugu, nunami allami inunngorsimanerup kingorna qallunaatut innuttaassuseqalersinneqartoq, Sydslesvigimi imaluunniit Kiel Kommunimi najugaqarpat aamma qitornaq Sydslesvigimi imaluunniit Kiel Kommunimi najugaqarpat aamma Sydslesvigimi imaluunniit Kiel Kommunimi qallunaat atuarfianni atuarsimappat imaluunniit paaqqinnittarfianni paaqqutarineqarsimappat imaluunniit angerlarsimaffimmi minnerpaamik ukiumi 1-mi paaqqutarineqarsimappat, naalagaaffimmi matumani najugaqarnissaanik § 5, imm. 1 piumasaqaat

atuutissanngilaq. Qitornap qallunaatut innuttaassusermik pissarsinissanut, qitornap ilungersunartumik pinerluuteqarsimannginnissamik imaluunniit iliuutsinik pinerluttuliornerusunik iliuuseqarsimannginnissamik piumasaqaatit, nalunaaruteqartumut piumasaqaatigineqartut assingi, eqqortissagai, aammattaaq piumasaqaataavoq.«

13. § 6-p kingorna ilanngunneqassaaq:

»§ 7. (Kalaallit Nunaannut atuutilersinneqassanngilaq)«.

14. § 8, imm. 1-imi oqaaseqatigiinni siullerni sumiiffimmi marlunni, aamma **§ 8 A-mi** »-soq« ima allanngortinneqassaaq: »-toq«.

15. § 8, imm. 2, ima oqaasertaliorneqassaaq:

»Imm. 2. Aalajangersagaq manna malillugu inuup innuttaassuseqarnini annaappagu, tassuuna qitornaq naalagaaffimmi sumiluunniit innuttaassuseerutissanngippat, qitornap pineqartoq aqputigalugu innuttaassuseqarnini pissarsiarisimappagu, pineqartup qitornaata innuttaassuseqarnini aamma annaasinnaavaa.«

16. § 8 A-mi »piaaffigineqarsinnaavoq« ima allanngortinneqassaaq: »piaaffigineqassaaq«, aamma »nipangiussisimappat« kingorna ilanngunneqassaaq: », tamanna Danmarkip nunat tamat akornanni pisussaaffiitut akerliussanngippat«.

17. § 8 A-mi imm. 2-tut ilanngunneqassaaq:

»Imm. 2. Imm. 1 malillugu inuk innuttaassutsiminik piaaffigisaappat, qitornaq naalagaaffimmi sumiluunniit innuttaassuseerutissanngippat, qitornap pineqartoq aqputigalugu innuttaassuseqarnini pissarsiarisimappagu, tassuuna qitornaq naalagaaffimmi sumiluunniit innuttaassuseerutissanngippat, tamannalu Danmarkip nunat tamat akornanni pisussaaffiitut akerliussanngippat, pineqartup qitornaa aamma eqqartuussutikkut innuttaassutsiminik aammattaaq piaaffigineqassaaq.«

18. § 8 B, imm. 1, ima oqaasertaliorneqassaaq:

»Inuk, iliuutsimik pillaatissiissutigineqarsinnaasumik eqqartuunneqarpat, aamma taamaaliornermigut naalagaaffiup pingaarluinnartumik soqutigisaanik ilungersunartumik iliuutsimigut ajoqusiisutut takutitsippat, tamanna Danmarkip nunat tamat akornanni pisussaaffiitut akerliussanngippat, eqqartuussutikkut qallunaatut innuttaassuseqarnerminik piaaffigineqassaaq.«

19. § 8 B, imm. 2-mi sumiiffinni marlunni, »-sinnaavoq« ima allanngortinneqassaaq: »-ssaaq«.

20. § 8 B-mi imm. 3-miit 5 ilanngullugu ilanngunneqassapput:

»Imm. 3. Inuk, tassuuna pineqartoq naalagaaffimmi sumiluunniit innuttaassuseqarunnaassanngippat, nunap pingaarluinnartumik soqutigisaanik ilungersunartumik

iliuutsimigut ajoqusiisutut takutitsippat, udlændinge- aamma integrationsministerimit qallunaatut innuttaassuseqarnerminik arsaarneqarsinnaavoq.

Imm. 4. Imm. 3 malillugu paasissutissat nalilersuinnermi ilaasut, isumannaallisaanermut tunngasut pissutigalugit akuusumut imaluunniit udlændinge- aamma integrationsministerimut ingerlateqqinneqarsinnaanngitsut, Inatsiseqarnermut ministerip aalajangersinnaavaa. Suliani, nunap pingaarluinnartumik soqutigisaanik ilungersunartumik iliuutsigut ajoqusiisumik takutitsisoqarsimaneramik naliliineq, pingaarnertut paasissutissanit isumannaallisaanermut tunngasut pissutigalugit akuusumut imaluunniit udlændinge- aamma integrationsministerimut ingerlateqqinneqarsinnaanngitsunit tunngaveqarpat, udlændinge- aamma integrationsministereqarfimmit noqqaassuteqarnerup kingorna, pineqartoq imm. 3 malillugu nunap pingaarluinnartumik soqutigisaanik ilungersunartumik iliuutsimigut ajoqusiisutut isigineqartussaansoq, inatsiseqarnermut ministerip nalilissavaa. Naliliineq taanna suliap aalajangiiffigineqarnerani udlændinge- aamma integrationsministereqarfiup tunngavigissavaa.

Imm. 5. Imm. 3 malillugu inummut qallunaatut innuttaassusermik arsaarneqarsimasumut, naak naleqquttumik ilungersuuteqarluni imm. 3 malillugu allatut periaaseqarluni arsaarinninnerup nalunaarutigineqarnissaa periarfissaanngippat, naalagaaffimmi innuttaassutsip arsaarinnissutigineqarnera nalunaarutitut Statstidendemi ilanngunneqassaaq.«

21. § 8 C-mi oqaaseqatigiinni siullerni, »paaiaffigineqarsimappat« kingorna ilanngunneqassaaq: »imaluunniit arsaarneqarsimappat«.

22. § 8 E-p kingorna ilanngunneqassaaq:

»§ 8 F. Suliat § 8 B, imm. 3-mi ilaatinneqartut, inummit § 8 B, imm. 3 malillugu qallunaatut innuttaassutsiminit arsaarneqarsimasumit, aalajangiinnerup nalunaarutigineqarneranit sapaatit akunneri 4 qaangiutsinnagit Københavs Byret-imut saqqummiunneqarsinnaapput. Taamaattoq sapaatit akunnerisa 4 qaangiunneranni saqqummiussinissaq Københavns Byret-ip qaqutigorluinnaq akuerisinnaavaa. Illoqarfinni eqqartuussivimmi suliap aalajangiiffigineqarnerani eqqartuussisut 3 peqataassapput. Udlændinge- aamma integrationsministeri imaluunniit taanna, ministerit tassunga piginnaatitaa, pisortat sinnerlugit suliame akuupput. Inuit, Politiit Immikkut Paasiniaasartuini atorfillit, eqqartuussinnermi sinniisutut pisinnaatitaatitaasutut, udlændinge- aamma integrationsministerip imaluunniit tassunga ministerip piginnaatitaata, eqqartuussivimmut aggettissinnaavai. Suliap eqqartuussivimmut saqqummiunneqarnera kinguartitsinnermik kinguneqartitsisinnaanngilaq.

Imm. 2. Eqqartuussivimmi suliarinninnermi inummut, § 8 B, imm. 3 malillugu qallunaatut innuttaassusermik arsaarneqarsimasumut, eqqartuussiviup eqqartuussissuserisoq ivertissavaa.

Imm. 3. Imm. 1 malillugu eqqartuussivimmi suliarinninnermi, inummut § 8 B, imm. 3 malillugu qallunaatut innuttaassuserminik arsaarneqarsimasumut, aamma taanna sinnerlugu § 8 B, imm. 4-mi oqaaseqatigiinni siullerni paasissutissat ilaatinneqartut eqqarsaatigalugit akuusutut pisinnaatitaasutut suliaqartumut, soqutigisat isumagineqarnissaannut eqqartuussiviup immikkut eqqartuussissuserisoq

ivertissavaa. Immikkut eqqartuussissuserisumut akissarsiassat akiliussinernullu taartisiassat pillugit, eqqartuussisarnermik inatsimmi Danmarkimi atuuttumi kapitali 31 malillugu, pisuni nammineq aningaasartuutiginagu eqqartuussisulersuussinissamik nalunaaruteqarsimanermi malittarisassat assingi atuupput.

Imm. 4. Imm. 3 malillugu immikkut eqqartuussissuserisoq suliami eqqartuussinerit tamaasa pillugit nalunaarfigineqassaaq aamma taakkunani peqataanissaminik pisinnaatitaassalluni. Atortussiat eqqartuussivimmut suliami ilaatinneqartut, immikkut eqqartuussissuserisumut ilisimatitsissutigineqassapput aamma assilillugit sananeqarneri tunniunniunneqassapput. Taamaattoq isumannaallisaanermut tunngasut pissutigalugit assilillugit sanaqqiineq immikkut eqqartuussissuserisumut tunniunneqassanngitsoq, inatsiseqarnermut ministerip imaluunniit ministerip tassunga piginnaatitaata aalajangersinnaavaa. Tamanna pillugu apeqput eqqartuussivimmut saqqummiunneqarsinnaavoq.

Imm. 5. Inuk, § 8 B, imm. 3 malillugu qallunaatut innuttaassutsiminik arsaarneqarsimasoq, pisuni pineqartoq nunami allamiippat, qanoq ililluni eqqartuussivimmut oqaaseqaateqarnissaminik periarfissinneqassanersoq, eqqartuussiviup aalajangissavaa.

Imm. 6. Paasissutissat § 8 B, imm. 4-mi oqaaseqatigiinni siullerni ilaatinneqartut, imm. 3 malillugu immikkut eqqartuussissuserisumut ivertinneqartumut ingerlateqqinneqassapput. Paasissutissat taamaattut immikkut eqqartuussissuserisumut tunniunneqarpata, eqqartuussissuserisup suliaq inummut, § 8 B, imm. 3 malillugu qallunaatut innuttaassusermik arsaarneqarsimasut, imaluunniit taassuma eqqartuussissuserisuanut oqaloqatigiissutigisinnaanngilaa aamma eqqartuussinerni, taakkunani inuk § 8 B, imm. 3 malillugu qallunaatut innuttaassuserminik arsaarneqarsimasoq, aamma taassuma eqqartuussissuserisua najuutsillugit oqaaseqaateqarsinnaanani. Inuk, § 8 B, imm. 3 malillugu qallunaatut innuttaassuserminik arsaarneqarsimasoq, taassumalu eqqartuussissuserisua qaqugukkulluunniit suliaq pillugu immikkut eqqartuussissuserisumut allakkatigut nalunaaruteqarsinnaapput.

Imm. 7. Paasissutissat, § 8 B, imm. 4-mi oqaaseqatigiit siulliit aamma oqaaseqatigiit aappaat malillugit inatsiseqarnermut ministerip naliliinerani ilaasut, § 8 B, imm. 4-mi oqaaseqatigiit siulliit malillugit isumannaallisaanermut tunngasumik pissutsit inatsiseqarnermut ministerip aalajangiineranut tunngavilersuutaasinnaanngippata, inummut § 8 B, imm. 3 malillugu qallunaatut innuttaassusermik arsaarneqarsimasut, aamma taassuma eqqartuussissuserisuanut, eqqartuussiviup, nammineq aalajangiinermigut imaluunniit immikkut eqqartuussissuserisup piumasqaateqarneratigut, ingerlateqqissinnaavai. Aalajangiineq aalajangiinikkut, aamma immikkut eqqartuussissuserisoq aamma inuk pisortat sinnerlugit suliami akuusoq, oqaaseqaateqarnissaminnik periarfissinneqareerneranni aalajangerneqassaaq. Aalajangiineq inunnit, oqaaseqatigiit aappaanni taaneqartunit, aalajangeqqitassanngortinneqarsinnaavoq. Paasissutissat ingerlateqqinneqarsinnaanerat pillugit aalajangiinerup aalajangeqqitassanngortinneqarnera kinguartitsinermik kinguneqassaaq.

Imm. 8. Imm. 7-imi oqaaseqatigiit siulliit malillugit eqqartuussiviup aalajangiinini aalajangersimappagu, eqqartuussivimmut paasissutissat pineqartut ilaatinneqannginnissaat

inatsiseqarnermut ministerip imaluunniit inuup, ministerip tassunga piginnaatitaata, aalajangersinnaavaa.

Imm. 9. Pineqartoq imm. 7-imi oqaaseqatigiit siulliit malillugit aalajangiinermik aalajangiisimappat, imaluunniit aalajangiinermi taamaattumi paasissutissanik ilaatinneqartunik allakkut takunnissinnaasimappat, aamma inatsiseqarnermut ministeri imaluunniit inuk, ministerip tassunga piginnaatitaa, imm. 8 malillugu paasissutissat pineqartut eqqartuussivimmut suliami ilaanginnissaat pillugit aalajangiisimatillugu, kinaluunniit suliami eqqartuussisutut peqataasinnaangilaq.

Imm. 10. § 8 B, imm. 4-mi oqaaseqatigiinni siullerni paasissutissanut ilaatinneqartunut tunngassuteqartut, imaluunniit tassani paasissutissat taamaattut aamma imm. 7 malillugu aalajangiinermi ilaatinneqanngitsut saqqummiunneqarlutik imaluunniit suliarineqarlutik, pillugit eqqartuussinerup ilaa, matut matoqqatillugit ingerlanneqassaaq. Eqqartuussinerup ilaani tassani imm. 3 malillugu immikkut eqqartuussissuserisoq ivertinneqartoq peqataassaaq, kisianni inuk, § 8 B, imm. 3 malillugu qallunaatut innuttaassuseqarnerminik arsaagaasimasooq, aamma taassuma eqqartuussissuserisua peqataassanngillat. Immikkoortoq manna malillugu eqqartuussinerit tamakkiisumik imaluunniit ilaannakortumik matut matullugit ingerlanneqartut, qanoq ilillutik naammassineqarnissaat, eqqartuussiviup aalajangissavaa.

Imm. 11. Akuusut aamma immikkut eqqartuussissuserisoq imm. 3 malillugu ivertinneqartoq, oqaaseqaateqarnissaminnik periarfissinneqarnerisa kingorna, eqqartuussivik aalajangiinermik aalajangiissaaq. Eqqartuussiviup aalajangiinera eqqartuussutikkut aalajangerneqassaaq.

Imm. 12. Aalajangersagaq manna malillugu suliap suliareqqitassanngortinneqarnera kinguartitsinermik kinguneqartitsisinnaangilaq.

Imm. 13. Suliap illoqarfimmi eqqartuussivimmi suliarineqarnera pillugu aalajangersakkami matumani malittarisassat taamatuttaaq suliap eqqartuussisuuneqarfimmi aamma Eqqartuussiviit Qullersaanni suliarineqarnerani atuupput.«

23. § 9 A-p kingorna ilanngunneqassaaq:

»§ 10. (Kalaallit Nunaannut atuutilersinneqassanngilaq)«.

24. § 12, imm. 1-imi oqaaseqatigiinni siullerni, »18-inik ukioqalereersimasunut,« kingorna ilanngunneqarneqassaaq: »akiliut 4.000 kr.-iusoq akilerneqassaaq,«.

25. § 12, imm. 1, oqaaseqatigiit aappaata kingorna oqaateqatigiittut nutaatut ilanngunneqassaaq:

»Nunami allami inunngorsimanerup kingorna qallunaatut innuttaassuseqalernissamut qinnuteqarnermi aamma qallunaatut innuttaassuseqarnermut uppersaat imaluunniit attassiinnarnissaq pillugu akiliut Udlændinge- aamma Integrationsministereqarfimmut akilerneqassaaq, aamma qallunaatut innuttaassuseqarneq pillugu nalunaarummik tunniussinermut akiliut naalagaaffiup sinniisoqarfianut akilerneqassaaq.«

26. § 12, imm. 1-mi oqaaseqatigiit pingajuanni, oqaaseqatigiit sisamaanngortumi, »§ 5«-ip kingorna ilanngunneqassaaq: », § 5 A«.

27. § 12, imm. 1, oqaaseqatigiit arfineq pingajuattut ilanngunneqassaaq:

»Qinnuteqartup imaluunniit nalunaaruteqartup, oqaaseqatigiit siulliat imaluunniit oqaaseqatigiit aappaat malillugu akiliut taaneqartoq qaangerlugu akiliippat, taanna aningaasat amerlassusaannik 30 kr.-inik taannaluunniit ataallugu annertutigippat, aningaasat amerlassusaat sinneruttut utertillugit akilerneqassanngillat.«

§ 2

Imm. 1. Lovtidendemi nalunaarutiginninnerup kingorna ullup tulliani peqqussut atuutilissaaq.

Imm. 2. Qallunaatut innuttaassuseqarneq pillugu inatsimmi § 1, imm. 4, peqqussummi matumani § 1, nr. 4-tut oqaasertaliorneqartoq, pissutsinut ulloq 24. juli 2002-p kingorna paasineqartunut sunnuteqarpoq.

Imm. 3. Nalunaarutinut, peqqussutip atuutilernissaa sioqqullugu naalagaaffiup sinniisoqarfianut imaluunniit Udlændinge- aamma Integrationsministereqarfimmut tunniunneqartunut, § 1, nr. 9 atuutinngilaq. Nalunaarutinut taamaattunnut malittarisassat maannamut atuuttut atuutissapput.

Imm. 4. Naak pissutsit peqquserlunnerusut peqqussutip atuutilinnginnerani pisimagaluartut, § 1, nr. 16 aamma 17 atuutissapput.

Imm. 5. Iliuutsinut peqqussutip atuutilinnginnerani iliuuserineqartunut § 1, nr. 18 aamma 19 atuutinngillat. Iliuutsinut taamaattunnut malittarisassat maannamut atuuttut atuutissapput.

Imm. 6. Qallunaatut innuttaassuseqarneq pillugu inatsimmi § 8 B, imm. 3, peqqussummi § 1, nr. 20-imi oqaasertaliorneqartoq, malillugu arsaarinninnermi, peqqussutip atuutilinnginnerani iliuuserineqartut, iliuutsit iliuuserineqarmata innuttaassuseqarneq pillugu inatsimmi § 8 B, imm. 1 malillugu arsaarinnissutaasinnaasut, iliuutsit pingartinneqassapput. Danmarkimut atuuttumi, pillaasarnermik inatsimmi 114 j, imm. 3-imi ilaatinneqartumut akuersisummik peqarani iserneq, peqqussutip atuutilersinneqarnissaa sioqqullugu suliarineqartoq, taamaattoq qallunaatut innuttaassuseqarneq pillugu inatsimmi, peqqussummi matumani § 1, nr. 20-itut oqaasertaliorneqartumi, § 8 B, imm. 3 malillugu immi arsaarinninneq tunngavilersorsinnaanngilaa.

Imm. 7. Innuttaassuseq pillugu inatsimmi § 12, imm. 1-imi oqaaseqatigiit siulliit aamma oqaaseqatigiit aappaat malillugit, peqqussutip atuutilersinneqarnerata kingorna, Qinnuteqartunut aamma nalunaaruteqartunut, § 1, nr. 27 atuutissaaq.

¹ Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni § 1 kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaavoq. Aalajangersakkat piffissani assigiinngitsuni atuutilersinneqarsinnaapput.«

² Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaapput. Aalajangersakkat piffissani assigiinngitsuni atuutilersinneqarsinnaapput.«

³ Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaapput. Aalajangersakkat piffissani assigiinngitsuni atuutilersinneqarsinnaapput.«

⁴ Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaapput. Aalajangersakkat piffissani assigiinngitsuni atuutilersinneqarsinnaapput.«

⁵ Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni §§ 1 aamma 2 kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaapput. Aalajangersakkat piffissani assigiinngitsuni atuutilersinneqarsinnaapput.«

⁶ Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni §§ 1, 2 aamma 4 kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaapput. Aalajangersakkat piffissani assigiinngitsuni atuutilersinneqarsinnaapput.«

⁷ Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaapput. Aalajangersakkat piffissani assigiinngitsuni atuutilersinneqarsinnaapput.«

⁸ Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaapput. Aalajangersakkat piffissani assigiinngitsuni atuutilersinneqarsinnaapput.«

⁹ Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaapput. Aalajangersakkat piffissani assigiinngitsuni atuutilersinneqarsinnaapput.«

¹⁰ Aalajangersagaq ima oqaasertaqarpoq: »Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut, Savalimmiuni imaluunniit Kalaallit Nunaanni pissutsinut naleqqussaanerit allannguutigalugit, atuutilersinneqarsinnaapput. Aalajangersakkat piffissani assigiinngitsuni atuutilersinneqarsinnaapput.«